

Avtale om bruk av datautstyr 5 – 7. klasse

Skulen og lærarane har ansvar for at elevane arbeider med det dei skal i skuletida. For å få til dette må elevane og lærarane samarbeide. Det overordna IKT reglement Vanylven kommune med rettleiing gjeld for alle elevane ved skulen. Gjennom FEIDE -prosjektet har alle elevane ved skulen fått tildelt eit passord som skal gje dei ei pålogging til alle ressursar.

PC-ane på skulen gjev mulegheiter til å kommunisere med andre, finne/hente, lagre, sortere og presentere informasjon. Skulen ønskjer at IKT skal vere eit godt og nyttig verktøy for deg når dei arbeider med forskjellige oppgåver. For å bruke skulen sine PC-ar og iPad-ar, må du kjenne og godta dei reglane som gjeld for bruk.

Generelle reglar for utlån:

Eg har det fulle ansvar for å passe på at ingen skade skjer på maskinen/IPad-en (Gjeld både maskin, programvare, adapter og anna utstyr).

1. Eg har ikkje lov til

- Å laste ned stoff frå internett, CD, DVD, eller andre eksterne lagringsinstansar som eg ikkje har fått tydeleg løyve til frå faglærar
- Å avinstallere programvare som skal vere på maskina
- Å bruke datamaskina til å kommunisere med andre i skuletida utan særskilt løyve (t.d. Facebook, Instagram, Twitter m.m.)
- Å ha maskina open når læraren underviser frå tavle/kateter, eller på annan måte gjennomgår felles stoff i klassen
- Å ete/drikke samstundes som eg arbeider på maskina
- Det er ikkje lov å teikne eller lime klistermerker på datamaskinene

2. Orden

Det er mitt ansvar å halde system på mapper, CD'ar, minnepennar og liknande, slik at eg alltid finn og har tilgang til det stoffet eg treng for å gjere skulearbeidet og heimearbeidet mitt. Eleven må lagre arbeidet sitt på personleg område for å være sikra sikring av data om noko skulle skje med datamaskina. *Her gjeld elles ordinære ordensreglar og merknad for gløyming.* Eg skal alltid logge av eller slå av maskina etter bruk.

3. Nettvett

- Eg kan ikkje publisere noko som er i strid med åndsverkslova
- Eg pliktar å bruke internett på ein slik måte at det ikkje skadar meg sjølv eller andre. Dette inneber mellom anna at eg ikkje kan publisere, eller kommunisere gjennom skulen sitt IKT-utstyr tekst, bilete, lyd, video som er av støytande art, eller som på nokon måte hengjer ut einskildpersonar eller grupper.
- Eg må få samtykke frå medelevar/ føresette for å kunne leggje ut bilete, lyd og video av dei.
- Brukarnamnet og passordet mitt skal haldast hemmeleg, og berre brukast av meg.

4. Dersom noko likevel skulle skje

- Dersom noko skulle skje med maskinen/IPad-en, skal eg STRAKS ta kontakt med systemansvarleg
- Bevisst skadeverk (ikkje uhell) vil bli rapportert til heimen snarast råd, og vil føre til merknad som vil bli teken med i fastsetjing av åtferdskarakteren ved terminslutt.
- Skadeverket vil vidare, på lik line med øydelegging av anna skulemateriell, måtte erstattast/ordnast av meg sjølv/føresette. Dette kan omfatte oppdatering, reparasjon eller erstatning av utstyr.
- Mobbing, diskriminering eller trakassering av andre gjennom skulen sitt IKT-utstyr kan føre til utestenging frå all bruk av IKT i ei periode. Alvorlege tilfelle vert melde til politiet.
- Dersom ein eller fleire av punkta ovanfor vert brotne, vil vidare utlån opphøre umiddelbart.
- Maskinen vil med jamne mellomrom bli sjekka med omsyn til alle desse punkta av systemansvarleg ved skulen. Systemansvarleg har open og full tilgong til maskina, og kan utan førehandsvarsling ta inn maskina for å sjekke.

Når du brukar Internett heime, bør du vise godt nettvett.

Underteikna er kjend med at brot på desse reglane kan føre til at eleven misser tilbodet om å bruke skulen sine datamaskiner og utstyr.

Eg stadfestar med dette å ha lese og godteke alle vilkåra i denne kontrakten:

Dato

Namn elev

Namn føresett

Dato

Kontaktlærer